



www.BibleForChildren.org


Genesis 1




Koluw-koluw mamu kinna,
Ngindrai imangsani kol
pwan pe hu kol
paingan yang.



Pe kol pwan ara, iro ko mwaihei
o, pe nimnim para aliy ara kinto
tehe mahapo pwi. Pe
sinon namandran iramburuhi
ndrita mwekeu, pe Mwoiwa
Ngindrai iho makaiye
ndrita hu ndran ara.




Pwen Ngindrai ipa, “Ngana lang kilenganiy.” Pwen o
ilenganiy. Ngindrai ipohowe ngana lang ara “lang” pe
ping ara “ping.” Piyahon iyamasan ndrourang ara irayah
langsih imu iya melit masih.




Pwen Ngindrai ipa, “Melit handra kirayah kiho ndrokolo
hu ndran, para hu ndran kandrih kaya malkah.” Pe
Ngindrai ipohowe paingan ara “yang.” Piyahon
iyamasan ndrourang ara irayah lang luwoh.




Pwen Ngindrai ipa, “Hu ndran masih hutora pahandra yang kayawule, pe pwan posowen kirayah.” Pe irayah tehen aliy. Ngindrai ipohowe pwan posowen ara “pwan,” pe hu ndran masih huyawule ipohowe hu ara ndras. Pe Ngindrai inimei tehe kintayah hiyan.




Pwen Ngindrai ipa, “Hu melit para kalek karayah ndrita
pwan: ndromwindriu handra-handra mapekehu hu
kalek, pe hu kei handra-handra
mambuwahu pe mapekehu
toraliy kalek, pe kapo
soiwihu mwensehu
tehe yihu kopu.”




Pe irayah tehen aliy. Piyahon iyamasan ndrourang
ara irayah lang toyoh.




Ngindrai imangsani melit malndra namandran
mangana hilu. Imangsani melit nganan
namandran para kiho yat lang, pe
melit nganan mendreheh para kiho
yat ping. Pe imangsani hu piri
huyapolon i. Piyahon iyamasan
ndroulang ara irayah
lang haahiu.




Pwen Ngindrai ipa, “Hu ndras
pe hu ndran kahon kata hu
kan handra-handra mepo
mwalehu; pe hu norukan
kohowoh yang ndrita kol
pwan.” Piyahon iyamasan
ndroulang ara irayah
lang yimah.




Pwen Ngindrai ipa, “Hu kan handra-handra makunuwehu karayah pe kapo soiwi hu mwensehu tehe yihu kopu koro kol pwan—hu kan para hanghang pe hu kan masih para seselek ndrita pwan, pe hu kan puyap, ara hu masih karayah para hu kapo soiwi hu mwensehu tehe yihu kopu.” Pe irayah tehen aliy.




Pwen napwai, Ngindrai ipa, “Worou kamangsani hu ndramat, kaipisahu pe mwensehu karayah tehe worou opu. Pe andre hu karayah tamahu ni para ndras, pe hu norukan para kohowoh yang, pe hu kan para hanghang, pe hu kan masih para seselek ndrita pwan; pe hu ndramat ara andre karayah tamahu melit masih koro kol pwan masih, pe andre hu kan masih aro ara koro pahandra hu ndramat.”




Pe Ngindrai inime melit masih kene
kinmangsaniy ara irayah hiyan iya.
Piyahon iyamasan ndrourang ara
irayah lang anoh.



Pwen YAPAN Ngindrai iwiri ndramat ara pe iyki yiy iye
nondriya piyang iro kol Yiten, para kiropo mbulen pe
kiro nimnim kaliy.



Pwen YAPAN Ngindrai
ipwandrandrahani
ndramat ara
ipa, “Hiyan para ayan
hu mbuwakei para hu
kei masih kene hutopo
nondriya piyang iye;
hapeko nonombun para
apopo kiyau kei para
kasapahasani hiyan
pe mwomwan, paratesah,
kapa ayan, lang ara ko
andre amat imwonen.”



Pwen ndramat ara ipohowe ngalahu kan masih para hanghang, pe hu norukan masih para kohowoh yang, pe hu kan masih para yangiy. Hapeko mwalinga hu kan masih kene ara, ara hamou tahu kinlahiy para kisopwat Atam pwi.




Pwen pe YAPAN Ngindrai imbusi ndramat ara imatin
turut, pe tandrohongan iro ndron nondriya matiliu,
YAPAN Ngindrai iwiri ndruwin hakou para kesen, pe
irapairani sangin imui iya nokun.

Pe YAPAN Ngindrai imangsani
pihin hamou iya ndruwi
ndramat mepo iwiriy iyau
kesen. Pwen iyaiki
yiy iya kili ndramat ara.



Pwen tehen tora ko, andre kamai kitali
taman hilu tinan, pe andre hilu pihin tan
karayah hapat, pe nombuwe hilu
kirayah hamou o.



Genesis 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Nali Portions (nss) © 2012, Wycliffe Bible Translators, Inc.
All rights reserved.

<https://www.bible.com/bible/1453/MAT.1>

©2026 Bible for Children, Inc.

www.M1914.org

www.bibleforchildren.org

